

SARS YI HLULA EKA NANDZU WA YA R1-BILLION YA MPAPALATO WA XIBALO

Pretoria, Ravumune, ti 28 Hukuri 2019 – Vukorhokeri bya Xibalo bya Afrika-Dzonga byi amukela ahlulo wa Khoto ya Aphili ("SCA") lowu heriseke nkwetlembetano wa nkarhi wo leha na Africa Cash & Carry.

Milawukulu yin'wana ya xinawu leyi SCA yi vonakaka swinene eka yona, yi katsa matimba ya Khoto ya Xibalo ku lulamisa mihlelelo ehansi ka xiyenge xa 129(2)(b) xa Nawu wa Vulawuri bya Xibalo, 28 wa 2011 ("Nawu wa TA") loko ku nga fananisiwi na matimba yo susa nhlelelo wu vuyela eka SARS hi ku ya hi xiyenge xa 129(2)(c) xa Nawu wa TA na nhlamuselo ya leswi vutlhamuleri bya SARS byi nga xiswona loko swi laveka leswaku ku mbhonyeriwa leswaku nhlelelo lowu pimanyetiweke wa twala.

Ahlulo wa ti 21 Hukuri 2019 wu ta endzhaku ka ndzavisiso hi SARS eka ntirhiso wa tisisiteme to hunguta mixaviso na kavanganyo wa manyuwali wa tibuku ta tiakhawunti. Ndzavisiso wu hlavuterile ntivisohansi wa mixaviso na kavanganyo wa tihlayo ta xitoko leswi fikiseke eka malinghenaya xibalo na mihlelelo ya VAT leyi pimanyetiweke, leyi kanetiweke hi muhakelaxibalo. Khoto ya Xibalo yi lulamisile mihlelelo naswona muhakelaxibalo u tirhisile mfanelo ya yena yo aphila eka SCA.

SCA yi khomile xileriso xa Khoto ya Xibalo, leswi exikarhi ka swin'wana yi nga lulamisa mihlelelo no tiyisisa nsindziso wa SARS wa 200% ya xibalo xo engetelela. SCA yi cukumetile aphili ya muhakelaxibalo no humesa xileriso xa hakelo hi ku yima na SARS.

SARS yi tinyiketerile ku lwa na mpapalato wa xibalo wo endla hi vomu. SARS yi vilerisiwa hi mipimo ya nandzeleriso eka vumaki bya Cash & Carry hi ku kongomisa eka swikimi swa "Ooplang" leswi katsaka "Ghost Exports", nkarhekhodo wa nxaviso wa mali yo fona ya tiselifoni, kavanganyo wa tiakhawunti ta tiloni, ku koxa hi vuxisi tiinivhoyisi ta VAT na Xibalo xa Malinghena, ntirhiso wa tikhamphani to hlanganisa leti nga tirhiki ku tumbuluxa tiinivhoyisi na tisisiteme to hunguta mixaviso.